

## Партийн сургъуль бүрдэлгънă дамшлтăс

КПСС-н Каспийск райкомин болн района эклц партийн организацс эн джил партийн сургъуль бүрдэлгънд ик белдвр кегъад, коммунистнр марксистск-ленинск теорий даслгъан чикър, бийсиннь куцадж йовх кôдлмштнь ик дем болдгар кехд оньган тусхав.

Сургъуль эклхăс урд цуг эклц партийн организацсур районас гардврч улс илгăгдăд, коммунистнрин дуринь сурад, ямаран кружокд, школд, семинарт ордж дасхднь сүв-селвг ôггдв. Энунă ашднь сургъулин шин джил эклм цацу 400 гар коммунистнр болн партийн биш улс политшколс, кружокс, семинарт КПСС-н туудж, тодрха экономикин болн нань чигн теоретическ тöрмүд даслгъ эклцхăв.

Марксистск-ленинск теорийиг коммунистнр уудврч кевър даслгънд пропагандистнр улсин илчнь ончта ик. Эн учрар мана партъ пропагандистнрин кадр белдлгънд иилгъу оньган тăвнă. Мана пропаган-дистнр ôдăн сăн медрлă, кôдлмшин дамшлтта улс. Эднăс 11 кун КПСС-н крайкомд

секгдсн нег сара курст илгăг-даж, медрлăн ôдлүлцхăв.

КПСС-н райкомд сар болгън цуглрдг семинар пропагандистнр улст бурдăгдв. Энунд лекцс, умшгдна, кружокст, семинарт, сурх тöрмүдър куундвр болна. Пропагандистнр хоорндан дамшлтарн сүв-селвг кецхăнă.

Партийн сургъулин кабинет цуг кôдлмшăн партийн, советск, эдл-ахун кадрмуд, ôдгă цагин алдр сургъуль—марксизм-ленинизм дасдж авхд дôн-дôкд болхд тăвдж кеджăнă. Цуг кружокс, политшколс, семинарсин кôдлмшăрнь зура кегдсн бăанă, терунднь ямаран тöрмүд дасхнь ямаран литератур олзлхнь кезă цуглрхнь заагддж бăанă. Кабинетд кергтă тоот дектрмүд, плакатс, района эдла-ахун ôслтин тускар бел кечксн то-диг бăанă. Эдниг пропагандистнр сургъульдан ôргър олзлцхана.

Эн джил партийн сургъуль болзглагъан, бурдăмджтăгъър эклв. КПСС-н туудж дасджах кружокст сургъуль даслгън

идейн-теоретическ ôдăн кир-цатăгъър, коммунистнрин шунмгъа орлцлгънь болдж йовна. Сурцах улст иим кевър гун медрл ôгхин кергт пропагандистнр уурмүд В. В. Исаков, А. Б. Кожевников, К. Г. Долгина, Ф. М. Пожидаев ик килмджăн тăвдж, пропагандистин кôдлмшин сăн дамшлт олзлжана.

Эн пропагандистнрин гарддж йовх кружокст Октябрин 40-ч ôднă туск тезисмүд дасгдад тôгсв, ода СССР-н Деел Советни ôднă сессий деер ур Н. С. Хрущевин кесн доклад даслгън болджана. Кружокст сурч йовх улс дасдж йовх тöрмүдър куундвр келгънд нургълдж орлцна, икър соньмсдж сургъулан сурч йовна. Энунă нег учрнь пропагандистнр теоретическ тöр даслгъиг ода кедж-куцăгддж йовх кергүд-лă залгъдж келгънд бăанă.

Коммунистнрин политическ медрлнь ôдлăд, тедн уралан йовад, ôсăд йовхла, КПСС-н ХХ-ч хургин тууджлгч шиид-врмүдиг куцалгънă ôми нуурт йовдж ноолдлгънь терүг дахдж батрал йовхми. Эн тôлăд партийн сургъуль бурдэлгънд бăах дутудундиг илкдж уурулад, кружокс, политшколс, семинарс болгъна кôдлмшинь тодрха кевър гарддж, гун болдгар идейн халхинь шүудж хăлăдж, теднă кôдлмшинь ôдгă цагин социалистическ тосхлтин тöрмүд хăгълдж куцалгън-лă залгъдж, ирлцүлдж кех партийн организацсин нег даалгъврта тöрнь болджана.

Н. ПАРШИНА,

КПСС-н райкомин партийн сургъулин кабинетин заведующ.